

SLUŽBENI GLASNIK

BOSNE I HERCEGOVINE

Godina III - Broj 12

Ponedjeljak, 2. augusta 1999. godine
SARAJEVO

Bosanski jezik

63

ODLUKA

O FORMIRANJU KOMISIJE ZA NADGLEDANJE PROCESA PRIVATIZACIJE

U skladu s mojim ovlaštenjima, a prema Aneksu 10 Općeg okvirnog sporazuma za mir u Bosni i Hercegovini, ovim odlučujem da formiram Komisiju za nadgledanje procesa privatizacije kao jedne od važnih komponenti procesa privatizacije u Bosni i Hercegovini.

1. Ovim se formira Komisija za nadgledanje procesa privatizacije (Komisija) da nadgleda proces privatizacije preduzeća i banaka koji će provoditi entiteti u skladu sa principima koji su zacrtani u Općem okvirnom sporazumu za mir u Bosni i Hercegovini (GFAP) i u Okvirnom zakonu o privatizaciji banaka i preduzeća.
2. Komisija će posebnu pažnju obratiti na poštivanje principa nediskriminacije, kao i na transparentnost i javnu odgovornost, uključujući i uvid u promjene u strukturi kapitala i vlasničkim transformacijama koje su se desile od 31. decembra 1991. godine.
3. Komisija je neovisno tijelo koje će imati budžet i osoblje koji su joj neophodni za obavljanje njene funkcije. Komisija će prijedloge u tom smislu davati Visokom predstavniku. Predsjedavajući i članovi Komisije, kao i profesionalno osoblje će se priključiti profesionalnom osoblju OHR-a i uživati će iste privilegije i imunitet prema članu III.4, Aneksa 10 Općeg okvirnog sporazuma za mir u Bosni i Hercegovini.
4. Komisija će djelovati ex-officio ili po navodima i žalbama, i preporuke će upućivati Visokom predstavniku i svim nadležnim organima i ovlaštenim tijelima u oblasti privatizacije.
5. Komisija će Visokom predstavniku podnositi mjesečni izvještaj o svom radu.
6. Visoki predstavnik će imenovati predsjedavajućeg i članove Komisije u broju koji smatra neophodnim. U početnoj fazi će imenovati tri člana, uključujući i predsjedavajućeg, a zatim može odlučiti da imenuje i dodatne članove.
7. Komisiji, njenim članovima i ovlaštenom osoblju će se na njihov zahtijev omogućiti potpun i neograničen pristup svojoj dokumentaciji, informacijama i prostorijama.

23. juna 1999. godine

Sarajevo

Visoki predstavnik
Carlos Westendorp, s. r.

64

Na osnovu člana IV 4. a) Ustava Bosne i Hercegovine Parlamentarna skupština Bosne i Hercegovine, na sjednici Predstavničkog doma održanoj 14. jula 1998. godine i sjednici Doma naroda održanoj 19. jula 1999. godine, usvojila je

OKVIRNI ZAKON

O PRIVATIZACIJI PREDUZEĆA I BANAKA U BOSNI I HERCEGOVINI

Preambula

Općim okvirnim sporazumom za mir u Bosni i Hercegovini (u daljem tekstu nazvan GFAP) i posebno Aneksom 4 utvrđene su funkcije i odgovornosti institucija Bosne i Hercegovine i entiteta, kao i finansijske obaveze entiteta prema tim institucijama, ali u njima nema niti jedna konkretna odredba koja se odnosi na vlasništvo nad javnim dobrima.

Ovaj zakon ima za cilj uspostaviti siguran pravni okvir za postupak privatizacije preduzeća i banaka i omogućiti da se taj proces odvija što je moguće transparentnije i brže u korist državljana Bosne i Hercegovine (BiH), uključujući raseljene osobe i izbjeglice.

Stoga, Parlamentarna skupština Bosne i Hercegovina donosi ovaj zakon izričito priznavajući pravo entiteta da privatiziraju preduzeća i banke smještene na njihovoj teritoriji a koja nisu u privatnom vlasništvu i da im pripadnu prihodi koji se time ostvare u skladu sa propisima koje usvajaju parlamenti entiteta.

Član 1.

Definicije

U smislu ovog zakona pod pojmom:

- *fizičke osobe BiH* podrazumijevaju se državljani Bosne i Hercegovine, bez obzira na njihovo prebivalište;
- *pravne osobe BiH* podrazumijevaju se pravne osobe organizirane u skladu sa zakonom i registrirane u bilo kojem entitetu;
- *potraživanja državljana* podrazumijeva pravo na kompenzaciju kao dio procesa privatizacije koji priznaje obaveze definirane zakonodavstvom entiteta;

Na osnovu člana IV. 4. d) Ustava Bosne i Hercegovine
Parlamentarna skupština Bosne i Hercegovine, na sjednici
Predstavničkog doma održanoj 15. jula 1999. i na sjednici Doma
naroda održanoj 19. jula 1999. godine, donijela je

1. Sredstvima ostvarenim privatizacijom *preduzeća i banaka* koji se nalaze na teritoriji jednog entiteta raspolagat će taj entitet ili pravne osobe ovlaštene da ih prikupe u skladu sa zakonima tog entiteta.